



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-161-12/19**
Datum: **23.12.2022. godine**

„Agencija za vodno područje rijeke Save“ Sarajevo, rješavajući po zahtjevu pravnog lica JP Elektroprivreda BiH d.d. Sarajevo, Podružnica TE „Kakanj“ Kakanj u postupku izmjene pravomoćnog Rješenja o izmjeni i dopuni rješenja vodnoj dozvoli broj: UP-I/25-3-40-161-10/19 od 23.12.2021.godine, a na osnovu člana 262. Zakona o upravnom postupku („Službene novine Federacije BiH“, broj 2/98 i 48/99), i člana 130. stav 1. tačka 3 i stav 2. i 3. Zakona o vodama **donosi**

R J E Š E N J E **o izmjeni rješenja o vodnoj dozvoli**

1. Pravomoćno Rješenje o izmjeni i dopuni rješenja o vodnoj dozvoli broj: UP-I/25-3-40-161-10/19 od 23.12.2021.godine, mijenja se u smislu promjene rokova u tačkama I., III. i V. navedenog Rješenja te iste glase:
 - I. Da se do 01.08.2023 godine izvrši rekonstrukcija dovodnih kanala otpadnih voda u pumpne stanice PS1 i PS2, a u skladu sa rokovima iz izmijenjenog dinamičkog plana.
 - III. Da se do 28.04.2023. godine izradi i reviduje investiciono tehnička dokumentacija deponije šljake i pepela uključujući i sistem za prikupljanje oborinskih onečišćenih voda, prečišćavanje istih i ispuštanje prečišćenih voda u definisani recipijent sa lokacije deponije šljake i pepela.
Investiciono-tehnička dokumentacija treba biti urađena na nivou Glavnog/Izvedbenog projekta i revidovana od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») a u skladu sa odredbama Zakona o vodama i treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih («Službene novine Federacije BiH, broj 31/15, 55/19 i 41/20).
 - V. Da se do 19.12.2023. godine završe radovi na „Rekultivaciji neaktivnog dijela deponije šljake i pepela a u skladu sa rokovima iz izmijenjenog dinamičkog plana“.
2. Uvjet i rokovi propisani ovom vodnom dozvolom navedeni u tački 1. ovog rješenja se u skladu sa odredbama Zakona o vodama i Uredbe o izmjeni i dopuni uredbe o uslovima ispuštanja otpadnih voda u okoliš i sisteme javne kanalizacije ne mogu naknadno mijenjati.
3. Ostale odredbe Rješenja broj: UP-I/25-3-40-161-10/19 od 23.12.2021.godine ostaju nepromijenjene.

O b r a z l o ž e n j e

Pravno lice JP Elektroprivreda BiH d.d. Sarajevo, Podružnica TE „Kakanj“ Kakanj obratilo se ovoj Agenciji, zahtjevom broj: 02-41-3-19739-1/22 od 07.12.2022 godine u kome je traženo da se izmjeni Rješenje o izmjeni i dopuni rješenja o vodnoj dozvoli broj: UP-I/25-3-40-161-10/19 od 23.12.2021.godine izdato od strane ove Agencije, a navedeni su i razlozi koji su uticali na kašnjenje u realizaciji mjera iz dinamičkog plana.

U prilogu zahtjeva dostavljena je sljedeća dokumentacija:

- Izmijenjeni Dinamički plan aktivnosti i mjera sa finansijskom procjenom za usaglašavanje rada TE „Kakanj“ sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20) –Izmjena II od 07.12.202 godine.
- Pojašnjenje izmjena i dopuna dinamičkog plana (dostavljeno e-mailom od 19.12.2022 godine).

Naime, u novom promijenjenom dinamičkom planu je dat spisak aktivnosti i mjera sa finansijskom procjenom za ulaganje u skladu sa izmijenjenim okolnostima, a u cilju da se parametri prečišćenih otpadnih voda iz postojećih pogona dovedu u granice dozvoljenih vrijednosti propisanim Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).

Takođe su u zahtjevu dati rokovi i detaljna obrazloženja za svaku tačku o tome šta se planira uraditi u navedenim rokovima. U obrazloženju datom u zahtjevu, uvidom u priloženu dokumentaciju i po izjavama predstavnika podnosioca zahtjeva u telefonskim razgovorima i naknadno dostavljenom dokumentacijom emailom, utvrđeno je da razlozi koji su uticali na kašnjenje u realizaciji mjera iz dinamičkog plana odnose na sljedeće:

Tačka I-Da bi se pristupilo realizaciji aktivnosti iz navedene tačke, potrebno je da rad Bloka 7 (230MW) bude obustavljen najmanje 20 dana, a što nije moguće, jer je njegov rad planiran sve do maja 2023. godine, te se ne može obezbijediti takav zastoj jer bi se ugrozila stabilnost elektroenergetskog sistema.

Tačka III-Zbog zdravstvenih poteškoća jednog od projekatanta nisu se mogle okončati sve ugovorene obaveze u ugovorenom roku te se podnosilac izjasnio da će se izrada projektne dokumentacije završiti do kraja aprila.

Tačka V-Glavni projekat čija izrada kasni trebao bi iznaći tehničko rješenje sistema za prikupljanje voda sa deponije i definirati zone za rekultivaciju. Obziram da su radovi trebali se izvesti po rješenjima Glavnog projekta a čija izrada kasni, samim tim i realizacija radova kasni i ista će biti završena po izjavi podnosioca zahtjeva do 19.12.2023 godine.

Uvidom u dostavljeni zahtjev i priloženu dokumentaciju, ovaj organ našao je da je zahtjev podnosioca osnovan.

Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.


U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98, 48/99 i 63/22), člana 130. stav 1. tačka 3 i stav 2. i 3. Zakona o vodama i člana 26. Uredbe o uslovima ispuštanja otpadnih voda u okoliš i sisteme javne kanalizacije, ovo rješenje djeluje samo za ubuduće.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana dostavljanja rješenja.

Žalba se podnosi neposredno pismeno ili preporučeno putem pošte ovom organu ili usmeno na zapisnik i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obradivači akta: Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- JP Elektroprivreda BiH d.d. Sarajevo, Podružnica TE „Kakanj“, Kakanj,
- AVP Sava, ISV – Vodna knjiga
- Sektor 50
- Sektor 40 – arhiva
- Oglasna ploča